

御製詩初集

卷四

至六

御製詩初集卷之四

古今體一百首

庚申二

秋日奉

皇太后駕幸南苑即事八首

歲荷

天恩慶有秋欣陪

慈輦駕龍輜如京畿甸風光好萬戶歡聲夾

道周

虞人建幟甸人隨南苑秋清好獵時閱武此

御製詩集
卷四
來兼省斂香風餅餌拂旌旗

萬物熙和大造中郊原輝映苑門紅承

歡仰識

慈顏豫祇為

天恩錫屢豐

羽衛森翹出帝城順時清蹕此巡行金吾底
事頻傳警便欲周知閭巷情

十里秋光伯帟畫一鞭斜日睎鷹臺衆中掄
得穿楊手琥珀光濃賜御杯

扈從長承

慶日暉五雲高捧鳳輿問

安戶外親調膳手射郊原鹿正肥

離宮月影透書窓法曲時聞畫鼓縱題柱吟

餘思往事不知絳蠟施銀釭

從來稽古戒禽荒宵旰勤勞敢刻忘懽樂正
饒還止輦屬車侍從有東方

秋夜南苑行宮懷舊疊前韻

松菊迎人似有情離宮月朗正秋清舊題乍

展懷重繫新句頻拈興轉生吹籟疎林金氣
肅透窗寒影玉鉤明倚吟驚破紅塵夢嘹唳
天邊雁字橫

閱馬

平原草色著霜初試閱天閑萬乘餘鳳耳臨
風多駉駉龍鬣耀日有驪魚湯誇唐牧張千
錦何用周王歷八虛燕市驪黃掄選遍遺材
猶恐伏鹽車

南苑雙柳樹

南苑雙柳樹昔年何蔥菁兩株立平原千絲
織晚晴因循失其一獨樹若無榮至今行路
人猶道雙柳名豈無補植者枯萎率不生嗟
哉草木質尚有相憐情徘徊不能去長歌代
柳鳴

咏盆中小菊

宸慶東籬種移陪淨几芳亞盆舒冷艷擢秀
先重陽辭圃霜羞傲窺簾蝶任忙花師能位
置偏稱小松旁

夜雨

浙瀝聲傳三寸雨
琳琅韻響幾枝桐
寒更欹枕渾難寐
念在茅檐蔀屋中

桃葉落

芳園秋始半
衆木森疎繞綠陰
正如滴叅差青
未了擎舟尋桃溪
忽似三秋杪
葉落餘枯枝
風動驚飛鳥
榮悴一何殊
其理殊未曉
有一圃師鄙
言含至道云
當三春時
此花開獨早

秋蝶

金風蕭颯吹籬落紫花濛濛抽萼弱何來雙
蝶弄午暄栩栩深叢閒且樂夜寒白露零秋
英芳菲徒憶三春榮君不見千年鶴立青松
頂不逐春融耐秋冷

郊外即事

三秋野景寥天迴一抹斜陽晚照明
最是豐年饒氣象村村社鼓慶西成
霜落平原好合圍無心從獸玉鞭揮
愛觀富

有千村景兩字探原食與衣
郊圻犬吠雜雞蹄策馬霜華點素袍收穫纔
完仍播麥田家四季撙勤勞

射鹿行

金颶獵獵吹旌旗秋獮試合平原圍平原有
鹿碩且肥呦呦母子相追隨虞人旬人爭逐
之小鹿跳躍雖無知老鹿碩復獨含悲念彼
物類猶仁慈爰命解網任遠馳匪余小惠拯
其危物亦有倫人胡遺嗚呼射母不射子明

帝雖賢金半美

田舍

田舍紅門外揮鞭日影斜
繞村流曲水陂架
剩秋瓜
耜板寒敲圃縹車
夜績麻勤劬有餘
樂官稅早輸衙

德壽寺古鼎示僧

暉暉曉日射祇園
一滴曹溪覓法源
古鼎折無
言傳妙偈何須方丈悟風旛

絕句八首

東望颺晴烟西來雨陣懸
勒馬看天色陰晴
會一川

野菊小於鈴家菊大於盃
今朝馬上看隨分
作清伴

棘刺牽人衣剪棘衣裳破
不如驅青驄遠向
平沙過

雨過溪聲壯風來樹影搖
一羣寒鳥亂幾箇
戲魚跳

小徑曲通邨秋壺挂短垣
熙熙皇古世欲咏

已忘言

野雞啄枯草
偶罹網與羅
家雞飽稻粱
得意一何多

白露冷為霜
寒叢秋豔萎
溪岸轉蕭疎
剩有碧潭水

金風來西北
籟聲響萬竅
風收萬籟無
誰識其中妙

晚

鳴笳催落日
畫鼓震金風
馬應傳呼聚
天臨

曠野空轅門羣衛肅肅帳列燈紅武備從來
整時巡制亦同

懷舊戲作

當年頗有少年心上馬飛馳下馬吟今日殷
憂勝瀟灑壯懷減却杳難尋

雨二首

細雨落還止油雲斷復行當秋著物冷灑迥
織絲明溪口添新漲簷牙續舊鳴來朝直北
望天淨五雲城

麥壠綠菲菲秋苗潤更肥因風鳴淅瀝入夜
聽霏微此際方增冷何人未授衣先民憂樂
切詎隔九重扉

孤雁

關塞勞來往孤飛意不舒猶知失羣恨湯憶
寫空餘飢怨衡陽月奇傳漢使書寧同衛公
鶴空自駕軒車

彰儀門

彰儀門外城牆下土壘背城面平野上留方

孔下孔圓不知此是何為者
翁有老翁指點
言傳聞詎識實與假
明代堵築防流賊
孔以
施礮壘拒馬
少時見壘已傾頽
荆榛櫛比知
者寡我聞此語興咨嗟
感懷欲置不能捨
勝
國君臣守禦嚴
即今胡為屋其社
由來守德
勝守險地利不如人和也
長歌一曲非誇強
周鑒在殷
殷鑒夏

庚申仲秋丁祭

先師孔子

法

祖恢文德崇儒禮

素王晨光開輦輅露氣浥旂常寅祀心恒凜

丁辰日正陽皇皇陳禮樂肅肅對宮牆言念

百王後身登

夫子堂君師誠有愧仰止志方長

盆中竹

未改渭川質遙從淇水分影搖銀燭亂籟藉
竹爐熏凭几坐清晝忘言對此君託根非得

地漫想勢干雲

皇考實錄聖訓告成恭紀長律四首

儒臣橐筆久摩研

赫濯聲靈信史傳法則昭垂千萬禩

勤勞想見十三年誠孚度索懸橦地象應聯
珠合璧天寶錄拜觀欽

陟降衷忱可勝凜冰淵

實錄端惟實政書敢將繪藻飾空虛推車有
賴賢全網折檻無煩莠早除敬凜盥銘